

REGLUGERÐ FRAMKVÆMDASTJÓRNARINNAR (ESB) nr. 573/2010

2011/EES/55/16

frá 30. júní 2010

um breytingu á reglugerð (ESB) nr. 185/2010 frá 4. mars 2010 um ítarlegar ráðstafanir til að framfylgja sameiginlegum grunnkröfum um flugvernd (*)

FRAMKVÆMDASTJÓRN EVRÓPUSAMBANDSINS
HEFUR,

við verklagsreglurnar, sem um getur í 2. og 3. mgr. 4. gr. í þeirri reglugerð, en eigi síðar en 29. apríl 2010. Þessi reglugerð gildir því frá og með 29. apríl 2010 til að samræma beitingu reglugerðar (EB) nr. 300/2008 og framkvæmdargerða hennar.

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 300/2008 frá 11. mars 2008 um sameiginlegar reglur um flugvernd í almenningsflugi og um niðurfellingu reglugerðar (EB) nr. 2320/2002 ⁽¹⁾, einkum 3. mgr. 4. gr.,

og að teknu tilliti til eftirfarandi:

- 1) Í samræmi við 3. mgr. 4. gr. reglugerðar (EB) nr. 300/2008 skal framkvæmdastjórnin samþykkja ítarlegar ráðstafanir til að framfylgja sameiginlegum grunnkröfum, sem um getur í 1. mgr. 4. gr., og almennar ráðstafanir til að bæta við sameiginlegar grunnkröfur, sem um getur í 2. mgr. 4. gr. í þeirri reglugerð.
- 2) Ef þessar ráðstafanir innihalda viðkvæmar flugverndarráðstafanir teljast þær vera trúnaðarupplýsingar ESB í skilningi ákvörðunar framkvæmdastjórnarinnar 2001/844/EB, KSE, KBE frá 29. nóvember 2001 um breytingu á innri starfsreglum ⁽²⁾, eins og kveðið er á um í a-lið 18. gr. reglugerðar (EB) nr. 300/2008, og skulu þær því ekki birtar. Þessar ráðstafanir skulu samþykktar hver fyrir sig með ákvörðun sem er beint til aðildarríkjanna.
- 3) Reglugerð (EB) nr. 300/2008 kemur að fullu til framkvæmda frá og með tilgreindri dagsetningu í framkvæmdarreglunum, sem eru samþykktar í samræmi

- 4) Reglugerðir framkvæmdastjórnarinnar (EB) nr. 1217/2003 frá 4. júlí 2003 um sameiginlegar forskriftir fyrir innlendar áætlanir um gæðaeftirlit með flugvernd í almenningsflugi ⁽³⁾, (EB) nr. 1486/2003 frá 22. ágúst 2003 um verklagsreglur við eftirlit á vegum framkvæmdastjórnarinnar á sviði flugverndar í almenningsflugi ⁽⁴⁾, (EB) nr. 1138/2004 frá 21. júní 2004 um sameiginlega skilgreiningu á viðkvæmstu hlutum haftasvæða flugverndar á flugvöllum ⁽⁵⁾ og (EB) nr. 820/2008 frá 8. ágúst 2008 um ráðstafanir til að framfylgja sameiginlegum grunnkröfum um flugvernd ⁽⁶⁾ sem voru allar til framkvæmdar á reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningsflugi ⁽⁷⁾ ber því að fella úr gildi.

- 5) Þrátt fyrir að framkvæmdastjórnin skuli að jafnaði birta ráðstafanir sem hafa bein áhrif á farþega í samræmi við 18. gr. reglugerðar (EB) nr. 300/2008 er leyfilegt að flokka tiltekna ráðstafanir sem innihalda viðkvæmar upplýsingar er varða flugvernd í samræmi við ákvörðun framkvæmdastjórnarinnar 2001/844/EB, KSE, KBE frá 29. nóvember 2001 um breytingu á innri starfsreglum og skulu þær ekki birtar. Þessar ráðstafanir skulu samþykktar hver fyrir sig með ákvörðun sem er beint til aðildarríkjanna. Sá hluti ákvörðunarinnar sem tekur til öryggisráðstafana og verklagsreglna um flugvernd og inniheldur viðkvæmar upplýsingar skal ekki birtur og aðeins gerður aðgengilegur þeim rekstraraðilum og aðilum sem hafa lögmætra hagsmuna að gæta. Slíkar ráðstafanir fela m.a. í sér

(*) Þessi EB-gerð birtist í Stjtið. ESB L 166, 1.7.2010, bls. 1. Hennar var getið í ákvörðun sameiginlegu EES-nefndarinnar nr. 56/2011 frá 20. maí 2011 um breytingu á XIII viðauka (Flutningastarfsemi) við EES-samninginn, sjá EES-viðbætur við Stjórnartíðindi Evrópusambandsins nr. 43, 28.7.2011, bls. 17. ⁽¹⁾ Stjtið. ESB L 97, 9.4.2008, bls. 72.

⁽²⁾ Stjtið. EB L 317, 3.12.2001, bls. 1.

⁽³⁾ Stjtið. ESB L 169, 8.7.2003, bls. 44.

⁽⁴⁾ Stjtið. ESB L 213, 23.8.2003, bls. 3.

⁽⁵⁾ Stjtið. ESB L 221, 22.6.2004, bls. 6.

⁽⁶⁾ Stjtið. ESB L 221, 19.8.2008, bls. 8.

⁽⁷⁾ Stjtið. EB L 355, 30.12.2002, bls. 1.

tilteknar, ítarlegar verklagsreglur og undanþágur frá þeim að því er varðar hvernig eftirlit er haft með loftförum, ökutækjum, einstaklingum, farangri, pósti og farmi við komu inn á haftasvæði flugverndar eða innan svæðisins svo og tækniforskriftir fyrir skimunarbúnað.

- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar um flugvernd í almenningssflugi sem skipuð var með 1. mgr. 19. gr. reglugerðar (EB) nr. 300/2008.

SAMÞYKKT REGLUGERÐ ÞESSA:

1. gr.

Í þessari reglugerð er mælt fyrir um ítarlegar ráðstafanir til að framfylgja sameiginlegum grunnkröfum um að verja almenningssflug gegn ólöglegu athæfi sem stofnar flugvernd í almenningssflugi í hættu og almennar ráðstafanir til að bæta við sameiginlegar grunnkröfur.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. júní 2010.

Fyrir hönd framkvæmdastjórnarinnar,

forseti

José Manuel BARROSO

2. gr.

Framkvæmdarreglur

1. Ráðstafanirnar, sem um getur í 1. gr., eru settar fram í viðaukanum.

2. Í samræmi við 1. mgr. 10. gr. reglugerðar (EB) nr. 300/2008 skulu innlendar flugverndaráætlanir í almenningssflugi taka tilhlýðilegt tillit til þessarar reglugerðar.

3. gr.

Gildistaka

Reglugerð þessi öðlast gildi og kemur til framkvæmda frá og með tuttugasta degi frá birtingu hennar í *Stjórnartíðindum Evrópusambandsins*.

VIÐAUKI

Viðaukanum við reglugerð (ESB) nr. 185/2010 ^(*) er breytt sem hér segir:

A. Eftirfarandi c-liður bætist við lið 4.1.1.2 í 4. kafla:

„c) sprengjuleitarhundum, ásamt aðferðinni í a-lið.“

B. Eftirfarandi liður 4.1.1.9 bætist við í 4. kafla:

„4.1.1.9. Aðeins er heimilt að nota sprengjuleitarhunda sem viðbótarúræði við skimun.“

C. Eftirfarandi d-liður bætist við lið 4.1.2.3 í 4. kafla:

„d) sprengjuleitarhundum, ásamt aðferðinni í a-lið.“

D. Eftirfarandi e-liður bætist við lið 5.1.1 í 5. kafla:

„e) sprengjuleitarhundar.“

E. Eftirfarandi 9. liður bætist við í 12. kafla:

„12.9. **SPRENGJULEITARHUNDAR**

12.9.1. **Almennar meginreglur**

12.9.1.1. Sprengjuleitarhundur skal geta fundið tilgreint magn ásamt meira magni af sprengiefnum og gefið það til kynna.

12.9.1.2. Þetta skal vera óháð lögum sprengiefnisins, hvar það er staðsett í farangrinum og hvernig það snýr.

12.9.1.3. Sprengjuleitarhundur skal gefa frá sér viðvörn í formi bendingar (e. passive response) þegar hann finnur sprengiefni, sem sett eru fram í fylgiskjali 12-D í sérstakri ákvörðun framkvæmdastjórnarinnar.

12.9.1.4. Nota má sprengjuleitarhund og þjálfara hans við skimun ef þeir hafa verið samþykktir hvor í sinu lagi og sem teymi.

12.9.1.5. Sprengjuleitarhundur og þjálfari hans skulu gangast undir grunnþjálfun og reglubundna þjálfun til að tryggja að þeir öðlist og viðhaldi þeirri hæfni sem krafist er og, ef við á, tileinki sér nýja hæfni.

12.9.1.6. Til að sprengjuleitarhundateymi, sem samanstendur af sprengjuleitarhundi og þjálfara eða þjálfurum hans, verði samþykkt skal teymið hafa lokið þjálfunarnámskeiði með fullnægjandi hætti.

12.9.1.7. Sprengjuleitarhundateymi skal samþykkt af hálfu viðeigandi yfirvalds, eða fyrir hönd þess, í samræmi við fylgiskjali 12-E og 12-F í sérstakri ákvörðun framkvæmdastjórnarinnar.

12.9.1.8. Eftir að hafa verið samþykkt af hálfu viðeigandi yfirvalds er heimilt að nota sprengjuleitarhundateymi við vopnaleit með því að nota aðferðina „svæðisleit“ (e. free running) eða „lyktgreiningu sprengiefnis“ (e. remote explosive scent tracing).

12.9.2. **Staðlar um sprengjuleitarhunda**

12.9.2.1. Í fylgiskjali 12-D í sérstakri ákvörðun framkvæmdastjórnarinnar er mælt fyrir um kröfur um árangur sprengjuleitarhunda.

12.9.2.2. Sprengjuleitarhundateymi, sem notað er við skimun einstaklinga, handfarangurs, hluta, sem einstaklingar aðrir en farþegar hafa meðferðis, ökutækja, loftfara, birgða til notkunar um borð og flugvallarbirgða ásamt haftasvæðum flugvallar, skal uppfylla staðal 1 að því er varðar greiningu.

12.9.2.3. Sprengjuleitarhundateymi, sem notað er við skimun lestarfarangurs, pósts og rekstrarvara flugrekanda, farms og pósts skal uppfylla staðal 2 að því er varðar greiningu.

12.9.2.4. Sprengjuleitarhundateymi, sem hefur verið samþykkt til að finna sprengiefni með því að nota aðferðina „lyktgreiningu sprengiefnis“, má aðeins nota við skimun farms en ekki við skimun á öðrum svæðum sem falla undir staðal 2.

12.9.2.5. Sprengjuleitarhundur, sem notaður er við skimun sprengiefna, skal útbúinn með viðeigandi hætti í því skyni að auðkenna hann á ótvíræðan hátt.

(*) Stjtið. ESB L 55, 5.3.2010, bls. 1.

- 12.9.2.6. Þegar sprengjuleitarhundur framkvæmir sprengjuleit skal sá þjálfari sem hefur verið samþykktur til að vinna með honum ávallt vera með í för.
- 12.9.2.7. Sprengjuleitarhundur, sem hefur verið samþykktur til að nota aðferðina „svæðisleit“, skal aðeins hafa einn þjálfara. Heimilt er að samþykkja þjálfara til stjórna að hámarki tveimur sprengjuleitarhundum.
- 12.9.2.8. Sprengjuleitarhundur, sem er samþykktur til að nota aðferðina „lyktgreiningu sprengiefnis“, skal að hámarki hafa tvo þjálfara.
- 12.9.3. **Þjálfunarkröfur**
Almennar þjálfunarkröfur
- 12.9.3.1. Þjálfun sprengjuleitarhundateymis skal fela í sér fræðilegan og verklegan hluta ásamt starfsþjálfun á vinnustað.
- 12.9.3.2. Viðeigandi yfirvald skal tilgreina námsefni þjálfunarnámskeiðanna eða samþykkja það.
- 12.9.3.3. Þjálfunin skal fara fram af hálfu viðeigandi yfirvalds, eða fyrir hönd þess, og skal hún vera í höndum leiðbeinenda með menntun og hæfi í samræmi við lið 11.5 í viðaukanum við reglugerð (ESB) nr. 185/2010.
- 12.9.3.4. Hunda, sem á að þjálfa til að leita að sprengiefnum, skal ekki nota til annarra verkefna.
- 12.9.3.5. Meðan á þjálfun stendur skal nota hjálparbúnað sem svarar til sprengiefnisins.
- 12.9.3.6. Allir einstaklingar, sem meðhöndla hjálparbúnaðinn, skulu fá þjálfun til að koma í veg fyrir mengun.
Grunnþjálfun fyrir sprengjuleitarhundateymi
- 12.9.3.7. Sprengjuleitarhundateymi skal gangast undir grunnþjálfun sem byggist á þeim viðmiðunum sem mælt er fyrir um í lið 12.9.3 í sérstakri ákvörðun framkvæmdastjórnarinnar.
- 12.9.3.8. Grunnþjálfun fyrir sprengjuleitarhundateymi skal fela í sér verklega þjálfun í fyrirhuguðu starfsumhverfi.
Reglubundin þjálfun fyrir sprengjuleitarhundateymi
- 12.9.3.9. Sprengjuleitarhundur og þjálfari hans skulu uppfylla kröfur um reglubundna þjálfun, bæði hvor í sínu lagi og saman sem teymi.
- 12.9.3.10. Tilgangur reglubundinnar þjálfunar er að viðhalda núverandi hæfni, eins og krafist er í grunnþjálfuninni, og áunninni hæfni í samræmi við þróun á sviði flugverndar.
- 12.9.3.11. Reglubundin þjálfun sprengjuleitarhundateymis skal fara fram á a.m.k. sex vikna fresti. Lengd reglubundinnar þjálfunar skal að lágmarki vera fjórar klukkustundir á hverju sex vikna tímabili.
- 12.9.3.12. Ef sprengjuleitarhundur er látinn gangast undir þjálfun, a.m.k. einu sinni í viku, til að bera kennsl á öll þau efni sem tilgreind eru í fylgiskjali 12-D í sérstakri ákvörðun framkvæmdastjórnarinnar gildir 11. liður ekki.
Þjálfunarskrá fyrir sprengjuleitarhundateymi
- 12.9.3.13. Halda skal skrár yfir grunnþjálfun og reglubundna þjálfun sprengjuleitarhunds og þjálfara hans a.m.k. þann tíma sem ráðningarsamningur þeirra er í gildi og skulu skrárnar gerðar aðgengilegar viðeigandi yfirvaldi óski það eftir því.
Verkleg þjálfun fyrir sprengjuleitarhundateymi
- 12.9.3.14. Sprengjuleitarhundur, sem notaður er við skimun, skal gangast undir verklega þjálfun til að tryggja að hann uppfylli kröfur um árangur sem settar eru fram í fylgiskjali 12-D í sérstakri ákvörðun framkvæmdastjórnarinnar.
- 12.9.3.15. Verkleg þjálfun skal vera samfelld og af handahófi allan þann tíma sem hundurinn gegnir störfum og skal meta greiningargetu hundsins með því að nota viðurkenndan hjálparbúnað.
- 12.9.4. **Málsmeðferð við samþykki**
- 12.9.4.1. Málsmeðferðin við samþykki skal tryggja að eftirfarandi hæfni sé metin:
- geta sprengjuleitarhundsins til að uppfylla kröfur um greiningargetu sem mælt er fyrir um í fylgiskjali 12-D í sérstakri ákvörðun framkvæmdastjórnarinnar,
 - geta sprengjuleitarhundsins til að láta vita af sprengiefnum með bendingu,
 - geta sprengjuleitarhundsins og þjálfara hans til að vinna vel saman sem teymi og
 - geta þjálfarans til að stjórna sprengjuleitarhundinum á réttan hátt, túlka viðbrögð hundsins ef sprengiefni er fyrir hendi og bregðast við þeim með viðeigandi hætti.

- 12.9.4.2. Í málsmeðferðinni við samþykki skal líkt eftir svæðunum þar sem sprengjuleitarhundateymið á að vinna.
- 12.9.4.3. Sprengjuleitarhundateymið skal hafa lokið þjálfun með fullnægjandi hætti á hverju því svæði sem sótt er um samþykki fyrir.
- 12.9.4.4. Málsmeðferð við samþykki skal framkvæmd í samræmi við fylgiskjal 12-E og 12-F í sérstakri ákvörðun framkvæmdastjórnarinnar.
- 12.9.4.5. Gildistími hvernig samþykktar skal ekki vera lengri en 12 mánuðir.
- 12.9.5. **Gæðaeftirlit**
- 12.9.5.1. Sprengjuleitarhundateymið fellur undir þær ráðstafanir um gæðaeftirlit sem settar eru fram í fylgiskjali 12-G í sérstakri ákvörðun framkvæmdastjórnarinnar.
- 12.9.6. **Aðferð við skimun**
- Frekari, ítarlegar kröfur er að finna í sérstakri ákvörðun framkvæmdastjórnarinnar.“
-